

FAAFINTA

RASMI AH



الرسمية أجريدة

JAMHUURIYADDA DIMOQRAADIGA SOOMAALIYA

جمهوريّة الصومال الديموقراطية

Sannadka 9aad Muqdisho 20 Abriil 1981 L. 1 R 4/bis

FAAHFAAHINTA BIL SOO BAXA

جريدة شهرية

Laanta Faafinta Rasmiga ah ee Madaxtooyada J. D ۹

QIMADU: waa 5 shilin tambar waliba — RUKUNKA: Sannadii waa Sh. 100 Somaaliya gudaheeda — dibaddeedana waa Shs. 300. Rukunka ~~ix~~weydiisto waqtiga loo gooyey wuxuu ka bilaabmaa 1 Jenayo Qiimaha qoritaanku F.R. balkii sadar iyo waxii ka yar waa 2 laba Sh. — Rukunka iyo qoriitaanka waxaa la weydiistaa laanta Maamulka Faafinta Rasmiga ah — lacagta waxaa lagu bixinayaa Kafniisa Canshuuraha ee Wasaaradda lacagta

KOOBNIIN

QAYBTA KOOWAAD

S H A R C I

SHARCI L. 25 ee 10 Maars 1981, Oggolaansho heshiis dhexmaray JDS, iyo Sanduuqa Horumarinta Sacuudiga.	»	529
SHARCI L. 25 ee 15 Maars 1981, Meel Marin Heshiis.	»	531

مرسوم رقم ۲۵ الصادر ۱۹۸۱/۳/۱۵ .
اتفاقية الغرض لمشروع جامعة الصومال الوطنية.

QAYBTA LABAAD

XEER MADAXWEYNAHA JDS: L. 17 ee 22 Feb. 1981, Ku Maamuisid Billad Maar ah.—	»	533
XEER MADAXWEYNAHA JDS: L. 18 ee 20 Jen. 1981, Miisaaniyadda Sannadka 1981ka.—	»	534
XEER MADAXWEYNAHA JDS: L. 19 ee 10 Feb. 1981, Dallacaad Saraakii—	»	535

- XEER MADAXWEYNAHA JDS: L. 20 » 536
ee 4 Feb. 1981, Dallacaad Saraakii-leed
1981.—
- XEER MADAXWEYNAHA JDS: L. 21 » 537
ee 3 Feb. 1981, Dallacaad Saraakii-leed
- Amarka Madaxweynaha JDS Lambar 10 ee « 548
14ka Febraayo 1981:
Bixin cafis guud iyo mid gaar ahaaneed.
QAYBTA SADDEXAAD
- Maxkamadda G. Banaadir Muqdisho 9.4.81, « 541
lumid Buug kayd L. 390/bis.
- Warshadda Marmarka IWM ogeysiis shir « 542
caadi ah L. 390/bis.
- MAXKAMADDA G. HARGEYSA, Lumid » 543
Jeeg. War. L. 240142,243333,243235
L. 400
- MAXKAMADDA G. SH/HOOSE Lumid » 544
Buug Kayd L. 2340 L. 400/bis
- MAXKAMADDA GOBOLKA BANAADIR, » 545
2.4.81, Lumid Buug Keyd L. 19. 760,
ku qoran Maxamuud Xareed Ciise L. 317/bis
- MAXKAMADDA GOBOLKA BANAADIR, » 546
4.4.81, Lumid Buug Keyd L. 19. 155,
ku qoran Ruqiya Maxamed Cali L. 318
- MAXKAMADDA GOBOLKA BANAADIR, » 547
5.4.81, Lumid Buug Kayd L. 15. 974,
ku qoran Aadan Jaamac Ibraahim L. 318/bis

QAYBTA

1AAD

SHARCI L. 25 taariikh 10 Maars 1981, Oggo-laansho heshiis dhexmaray JDS, iyo Sanduuqa Horumarinta Sacuudiga, kuna saabsan amaah lacageed oo loogu talo galay dhismaha Jaamacadda Ummadda.

MADAXWEYNAHA JDS

ISAGOO TIXGELINAAYA: Oggolaanshaha Guddiga Joogtada ah ee Golaha Shacbiga;

WUXUU SOO SAARAYAA

Sharciga soo socda:

Qodobka 1aad

- 1) Waxaa la oggolaaday Heshiiska dhexmaray Jamhuuriyadda Dimoqraadiga Soomaaliya iyo Sanduuqa Horumarinta Sacuudiga, kuna saabsan amaah lacageed oo dhan 35.300.000 (sodon iyo shan malyan seddex boqol kun) Riaal Sacuudi ah oo loogu tala galay dhismaha Jaamacadda Ummadda.
- 2) Heshiiska waxaa lagu kala saxiixday Muqdiso, taariikhdu markay ahayd 24 Abriile 1980.
- 3) Heshiisku wuxuu ka mid yahay Sharcigan, isagoo lifaaq u yahay.

Qodobka 2aad

Shuruudaha iyo xaaladaha ay qorayaan qodobba-da Heshiiska ku tilmaaman Qod. 1aad ee Sharcigan, waxyay leeyihiin qiimo iyo astaan sharci la heer ah Sharci-yada iyo Xeerarka Dalka, dhaqan gelintoodana waxaa la waafajinayaa Qod. 72(1) ee Dastaarka JDS iyo qodobbada uu ka saameeyo Heshiiska.

Qodobka 3aad

Madaxweynaha JDS waxaa awood loo siiyey in uu
meel mariyo Heshiiska Sharcigan ku tilmaaman, sida
uu qabo Qod. 82aad ee Dastuurka Jamhuuriyadda Di-
moqraadiga Soomaaliya.

Qodobka4aad

Sharcigan wuxuu ka mid noqonayaa Sharciyada
iyo Xeerarka Dalka, wuxuuna dhaqan gelayaa isla
maalinta lagu soo saaro Faafinta Rasmiga ah ee Jam-
huuriyadda.

Muqdisho, 10 Maars 1981

MADAXWEYNAHA JDS

(Maxamed Siyaad Barre)

SHARCI L. 25 ee 15 Maars 1981, Meelmarin Heshiis
MADAXWEYNAHA JDS

ISAGOO ARKAY : Qodobka 67aad xubintiisa 5aad, Qod. 82aad xubintiisa 4aad, iyo Qod. 72aad xubintiisa 1aad ee Dastuurka JDS;

ISAGOO ARKAY : Heshiiska Amaahda ee Mashruuca Jaamicadda Ummadda Soomaaliyeed, dhexmarayna Dawladda Jamhuuriyadda Dimoqraadiga Soomaaliya iyo Sanduuqa Sucuudiga ee Horumarinta laguna kala saxiixday Muqdisho, 22kii Abriil, 1980 (7dii Jamad Al Thani 1400 H).

ISAGOO TIXGELINAAYA : Oggolaanshaha Golaha Sharcbiga Qaranka ee Heshiiska aan soo sheegnay taariikhdiisu ahayd 23kii Febraayo, 1981 (19kii Raabiic Al Thani 1401 H).

WUXUU SOO SAARAYAA

Xeerkani soo socda:

Qodobka 1aad

Heshiiska Amaahda ee Mashruuca Jaamicadda Ummadda Soomaaliyeed, dhexmarayna Dawladda Jamhuuriyadda Dimoqraadiga Soomaaliya iyo Sanduuqa Sucuudiqa ee Horumarinta laguna kala saxiixday Muqdisho, 23kii Abriil 1980, (7dii Jamad Al Thani 1400 H), WAA LA MEELMARIYEY.

Qodobka 2aad

Heshiiskani wuxuu ku yeelan doonaa Jamhuuriyadda Dimoqraadiga Soomaaliya astaan sharci wuxuuna dhaqan geli doonaq markuu saxiixo Madaxweynaha Jamhuuriyadda Dimoqraadiga Soomaaliya.

Xeerkani waxaa lagu soo saari doonaa Faafinta Rasmiga ah ee Dawladda.

Muqdisho, 15.3.1981

MADAXWEYNAHA JDS
(Maxamed Siyaad Barre)

مرسوم رقم ٢٥ الصادر ١٩٨١/٣/١٥
اتفاقية الغرض لمشروع جامعة الصومال الوطنية.

بعد الاطلاع على المادة ٦٧ الفقرة الخامسة ، المادة ٨٢ الفقرة الرابعة

والمادة ٧٢ الفقرة الاولى من دستور جمهورية الصومال
الديمقراطية.

وبعد الاطلاع على اتفاقية القرض لمشروع جامعة الصومال الوطنية
المبرمة بين حكومة جمهورية الصومال الديمقراطية والصندوق
السعودي للتنمية الموقع عليها في مديشو بتاريخ ٧ جمادى
الثاني ١٤٠٠ هـ الموافق ٢٢ ابريل ١٩٨٠ م.

وبعد الاطلاع على موافقة مجلس الشعب على هذه الاتفاقية بتاريخ ١٩
ربيع الثاني ١٤٠١ هـ الموافق ٢٣ فبراير ١٩٨١ م.

يصدر المرسوم التالي

المادة الاولى

تم التصديق على اتفاقية القرض لمشروع جامعة الصومال الوطنية
المبرمة بين حكومة جمهورية الصومال الديمقراطية والصندوق السعودي
للتنمية الموقع عليها في مديشو بتاريخ ٧ جمادى الثاني ١٤٠٠ هـ الموافق
٢٢ ابريل ١٩٨٠ م.

المادة الثانية

تكون للاتفاقية القانون في جمهورية الصومال الديمقراطية وينفذ هذا
المرسوم حال توقيعه من قبل رئيس جمهورية الصومال الديمقراطية ،
وسينشر في الجريدة الرسمية للدولة.

مديشو ١٠ جمادى الاولى ١٤٠١ هـ
الموافق ١٥ مارس ١٩٨١ م.

اللواء محمد سيد برى

رئيس جمهورية الصومال الديمقراطية

QAYBTA

2AAD

XEER MAMAXWEYNAHA JDS: L.17 ee 22 Feb. 1981
ku maamusid Billad Maar ah.—

J. D. S.

MARKUU ARKAY: Qodobka 82aad ee Dastuurka;
MARKUU ARKAY: Sharciga Lambar 65 ee 19kii Ok-
toobar 1970, Habka Abaalmarinta Qaranka;

MARKUU TIXGELIYEY: Kaalintii qaddarinta iyo
aqoonsiga mudnayd ee Jaalle Xaaaji Cabddullaahi
Cali ay ka soo qaadatay dhismaha Dalka iyo hirg-
elinta Himilada Kacaanka ee Gobolka Sanaag iyo
xalalkii kala duwanaa ee Gobolkaas ay ka soo qa-
batay Tobankii Sano ee Kacaanku jiray;

MARKUU TIXGELIYEY: Halgankii dheeraa ee Go-
bolkaas ay u soo gashay iyo hawlihii xasaasiga
ahaa ee Xisbiga ay u qabatay iyadoo markasta u
hellanayd u adeegidda danaha Qaranka;

MARKUU ARKAY: Lagama maarmaan in ay tahay
in qofkasta waxa uu mudan yahay lagu abaalma-
riyo;

MARKUU DHEGEYETAY: Talada Guddiga Abaal-
marinta Qaranka;

WUXUU SOO SAARAYAA

XEERKA SOO SOCDA:

QODOBKA KELIYA

Waxaa lagu maamuusay Billad Maar ah oo Ka-
caannimo, Jaalle Xaaaji Cabdullaahi Cali.—

MUQDISHO, 22.2.81

MADAXWEYNAHA J.D.S.

JAALLE MAX AMED OGAAL

XEER MADAXWEYNAHA JDS: L. 18 ee 20 Jen. 1981
UJEEDDO: MIISAANIYADDA SANNADKA 1981KA
MADAXWEYNAHA

MARKUU ARKAY: Dastuurka JDS, Qodobkiisa.
82aad;

MARKUU ARKAY: Xeerka Sharciga Lambr 2 ee
29.12.1961 kuna saabsan Xeerka maamulka iyo xi-
saabaadka iyo wax ka beddelkii ka dambceyey;

MARKUU ARKAY: Xeerka Madaxweynaha Lambr
317 ee 17.12.1962 kuna saabsan nidaamka xisaabaa-
dka Dawladda iyo wax ka beddelkii ka dambeeyey

MARKUU ARKAY: Sharciga Miisaaniyadda Dawl-
adda ee 1981ka;

WUXUU SOO SAARAYAA

XEERKAN SOO SOCDA.

QODOBKA 1AAD

Waxaa Jaalle Sarreeye Gaas Aadan Cabdi Ducaa-
le, Taliyaha Ciidanka Booliska Soomaaliyeed awood
loo siiyey inuu Fasaxo, iskuna beddolo kharashyada
madaxa 1.1.0/1.7.0 ee Miisaaniyadda qaybta Taliska
Ciidanka Booliska.

QODOBKA 2AAD

Xeerkani wux uudhaqan gelayaa 1da Jannaayo
1981, waxaana lagu soo saari doonaa Faafinta Rasmi-
ga ah ee Dawladda.

MUQDISHO, 20.1.1981.

(S/ Gaas Maxamed Siyaad Barre)

— MADAXWEYNAHA J.D.S. —

Waan aragnay ee Diiwaangelinay,

Diiwaanka Lamb. 2 bog. Lamb. 60,

Muqdisho 22 Feb. 1981,

Hantidhowraha Guud KMG,

Yuusuf Cali Nuur.

XEER MADAXWEYNAHA JDS: L. 19 ee 10 Feb.
1981

DALLACAAD SARAAKIILEED.

MADAXWEYNAHA

ISAGOO ARKAY: Dastuurka J.D.S. qodobkiisa 82aad.

ISAGOO ARKAY: Sharciga Lambr 2 ee 23.12.1972 oo

ku saabsan dhismaha Ciidanka Booliska Soomaaliyeed.

ISAGOO TIXGELIYEY: Talada uu soo jeediyey Ta-liyaha Ciidanka Booliska Soomaaliyeed ee ku qoran Xaashida Xog/A/8/1 ee 10.2.1981.

WUXUU XEERAY:

QODOBKA 1AAD

In Saraakiisha Booliska ee hoos ku qoran loo dallasiiyo derejada midkasta magaciisa ku hor qoran laga bilaabo 10.2.1981:

1. Gaashaanle Maxamed Cabdi Xasan — Gaashaanle Dhexe
2. Gaashaanle Cabdirisaaq Faarax Weyrax — Gaa-shaanle Dhexe
3. Gaashaanle Cabdi Cilmi Jaamac — Gaashaanle Dhexe.

QODOBKA 2AAD

Xeerkani degdeg buu u dhaqan gelaya, waxana lagu soo saari doonaa Faafinta Rasmiga ah ee Dawladda.

MUQDISHO, 10.2.1981.

(S/ Gaas Maxamed Siyaad Barre)

— MADAXWEYNAHA J.D.S. —

Waan Aragnay ee Diiwaangelinay,
Diiwaanka Lamb. 2 bog. Lamb. 61,
Muqdisho 22 Feb. 1981,
Hantidhowraha Guud KMG,
Yuusuf Cali Nuur.

XEERKA MADAXWEYNAHA JDS: L. 20 ee 4 Feb.
1981

DALLACAAD SARAAKIILED.

MADAXWEYNAHA JDS

ISAGOO ARKAY: Dastuurka J.D.S: qodobkiisa 82aad.

ISAGOO ARKAY: Sharciiga Lambr 2 ee 23.12.1972 oo
ku saabsan dhismaha Ciidanka Booliska Soomaaliyeed.

ISAGOO TIXGELIYEY: Talada uu soo jeediyey Ta-
liyaha Ciidanka Booliska Soomaaliyeed ee ku qo-
ran Xaashida Xog/A/8/1 ee 4.2.1981.

WUXUU XEERAY:

QODOBKA 1AAD

In Saraakiisha Booliska ee hoos ku qoran loo dal-
lacsiiyo derejada midkasta magaciisa ku hor qoran la-
ga bilaabo 4.2.1981:

1. G/Dhexe Jibriil Cali Xuseen — Gaashaanle Sare
2. G/le Xasan Kulmiye Siyaad — Gaashaanle Dhexe
3. G/le Cabdi Faarax Aadan — Gaashaanle Dhexe
4. Dhamme Yuusuf Jibriil Carays — Gaashaanle
5. Dhamme Siciid Ciise Cabdulle — Gaashaanle
6. L/X. Maxamed Faarax Maalin — Dhamme.

QODOBKA 2AAD

Xeerkani degdeg buu u dhaqan gelayaa, waxana
lagu soo saari doonaa Faafinta Rasmiga ah ee Dawl-
adda.

MUQDISHO, 4.2.1981.

(S/ Gaas Maxamed Siyaad Barre)

— MADAXWEYNAHA J.D.S. —

Waan Aragnay ee Diiwaangelinay,
Diiwaanka Lamb. 2 bog. Lamb. 23,
Muqdisho 11 Feb. 1981,

XEERKA MADAXWEYNAHA JDS: L. 21 Feb. 1981
DALLACAAD:

MADAXWEYNAHA JDS

ISAGOO ARKAY: Dastuurka J.D.S. qodobkiisa 82aad.
ISAGOO ARKAY: Sharciga Lambar 2 ee 23.12.1972 oo
ku saabsan dhismaha Ciidanka Biiliska Soomaaliyeed.

ISAGOO TIXGELIY)Y: Talada uu soo jeediyeey Ta-liyaha Ciidanka Booliska Soomaaliyeed ee ku qoran Xaashida Xog/A/8/1 ee 2.2.1981.

WUXUU XEERAY

QODOBKA 1AAD

In Saraakiisha Booliska ee hoos ku qoran loo dalaaciyo derejada midkasta magaciisa ku hor qoran laga bilaabo 1.2.1981:

1. G/Dhexe Maxamed Cabdi Geelle—Gaashaanle Sare
2. G/Dhexe Ismaaciil Maxamed Muuse — Gaashaanle Sare
3. Gaashaanle Suleebaan Cumar Kujoog — Gaashaanle Dhexe
4. Gaashaanle Maxamed Xasan Maxamed — Gaashaanle Dhexe
5. Gaashaanle Maxamed Maxamuud Nuur — Gaashaanle Dhexe
6. L/X. Cabdullaahi Cali Warsame — Dhamme

QODOBKA 2AAD

Keerkani deg-deg buu u dhaqan gelayaa, waxaana lagu soo saari doonaa Faafinta Rasmiga ah ee aw/da.

MADAXWEYNAHA JDS
S/Gaas Maxamed Siyaad Barre

Waan aragnay ee Diiwaangelinay,
Diiwaanka L. 2 bog. lamb. 22,
Muqdisho 11 Feb. 1981,
Hantidhowraha Guud KMG,
Yuusuf Cali Nuur.

Amarka Madaxweynaha JDS Lambar 10
ee 14ka Febraayo 1981:
Bixin cafis guud iyo mid gaar ahaaneed.

MADAXWEYNAHA JDS

MARKUU ARKAY: Qod. 82aad ee Dastuurka;

MARKUU ARKAY: Amarka Madaxweynaha JDS lambar 1 ee 21ka Oktoobar 1980, kuna saabsan ku soo rogidda Dalka Xukun deg deg ah;

MARKUU ARKAY: Sharciga lambar 15, taariikh 15 Maajo 1979, kuna saabsanaa u fidin cafis dadka dembiga ka galay Qaranka, Dalka dibediisana ku nool;

MARKUU TIXGELIYHEY: In cafiskaas, duruufo gaar ah iyo kuwo guud dartood, aan si buuxda looga faa'ideysan;

MARKUU TIXGELIYHEY: codsiyo iyo warbixinno kala duwan oo soo gaaray, laguna weydiistay cafis;

MARKUU TIXGELIYHEY: In dadka Qarankooda dembiga ka galay ee dibedda ku nool, kol haddii ay Soomaali yihin, Dalkooda iyo Dadkoodana ayna ka maarmi karin, karaamadooda iyo sharaftooda aademinimana ay ku jirto in ay ku tiirsadaan Waddankooda, ayna daw tahay in kalsooni la siiyo, dayaca laga badbaadiyo, loona fidiyo cafis si ay nolol aayatiin leh u yeeshaan;

ISAGOO ISTICMAALAYA: Awoodda aan caadiga ahayn ee ku tilmaaman Qod. 83aad ee Dastuurka, tixgelinaayana himilooyinka Xukunka deg degga ah;

WUXUU SOO SAARAYAA

AMARKA SOO SOCDA:

QODOBKA 1AAD

Qof kasta oo Soomaali ah oo Qaranka Soomaaliyeed dembi ka galay inta ka horreysa 14ka Febraayo 1981, Dalka Jamhuuriyadda Dimoqoraadiga Soomaaliya dibeddiisana ku nool, ha xakunnaado ama yuusan xakunnaanine, oofiyana shuruudaha ku tilmaaman Qod. 3aad ee Amarkan, waxaa loo fidiyey cafis.

QODOBKA 2AAD

Cafiska ku tilmaaman Qodobka 1aad wuxuu qofka aan xakunneen ka tirtirayaa dembiga, ka xakumanna wuxuu ka baabi'inayaa ciqaabta, wuxuuna ku kooban yahay dhanka ciqaabta.

QODOBKA 3AAD

Qofka cafiska ka faa'ideysanaya waa in laga helaa shuruudaha soo socda:

1. Inuu Dalka Jamhuuriyadda Dimoqoraadiga Soomaaliya ku soo noqdo Saddex Bilood gudahood laga bilaabo 14ka Febraayo 1981;
2. Inuu iska xaadiriyec, mar allaale markuu soo galo, Saldhiga ama Xarunta ugu dhaw ee Ciidamada Nabadjelyada ama Xafiisyada Xeer Ilaaliyayasha, si loo sugo taariikhda ku soo laabashadiisa Dalka, loona qaado tilaabada sharciga ah ee la xiriirta dhaqangelinta cafiskiisa.

QODOBKA 4AAD

Heer Ilaaliyaha awoodda u leh dhaqaajinta dacw-addii loo haystay ka faa'idaystaha cafiska ku tilmaaman Qod. 1aad ee Amarkan, ama Kuxigeennadiisa ama Wakiilladiisa Gobolada iyo Degmooyinka, iyagoo habridda Go'aannada dembi tirtiridda ama ciqaab baabi-inta, hadaba xaalka uu ku sugaran yahay ka-faa'ideystuhu.

QODOBKA 5AAD

Amarkan wuxuu dhaqan gelaya laga billaaboo 14ka Febraayo 1981, waxaana lagu soo saarayaa Fafinta Rasmiga ah ee Jamhuuriyadda.

MUQDISHO, 14 Febraayo 1981

MADAXWEYNAHA JDS
JAALLE Maxamed Siyaad Barre

— MAXKAMADDA GOBOLKA BANAADIR —

GUDDOMIYAH A MAXKAMADDA G. BANAADIR

HADDUU ARKAY: Dacwadda kor ku qoran;

HADDUU ARKAY: In Buug Keyd dhumay oo lambar-kiisu ahaa 5289, lagana soo saaray Bankiga Ganacsiga iyo Keydka Soomaaliyeed Laanta 3aad kuna qorneyd lacag dhan Sh.So. 2.946 uu iska lahaa Maxamed Xasan Ciise sida ku cad warqadda lamb. 390 Taariikh 9.4.81 oo Bankiga Ganacsiga iyo Keydka Soomaaliyeed laanta 3aad;

HADDUU ARKAY: Qod.69 sharciga lamb.2 9.9.65.

WUXUU XEERIYHEY

In la baabi'yo (Ammortamento) Buug Keyd Lam. 5289 oo k uqoran magaca Maxamed Xasan Ciise ayna ku jirto Sh.So. 2.946/=

WUXUU FASAXAY

In Bankiga Ganacsiga iyo Keydka laanta 3aad u beddelo Maxamed Xasan Ciise Buugga Keydka ee kor ku tilmaaman una sameyso mid la mid ah markay ka soo wareegato muddo aan ka yareyn 30 Maalmoond maalinta Go'aanka lagu daabaco Faafinta Rasmiga ah ee Jamhuuriyadda Dimoqraadiga Soomaaliyeed, had-dii inta ka horreysa aan wax ishortaag ah laga keenin.

Muqdisho, 9.4.81

GUDDOMIYAH A MAXKAMADDA G. BANAADIR

W.S. Dr. Cabdullaahi Maxamed Maax
L. 390/bis

WARSHADDA MARMARKA IWM.

UJEEDDO: OGEYSIIS SHIR CAADI AH

Waxaa dhammaan Saamilayda Warshadda Marmarka iwm. (ISMA— S.P.A.) la ogeysiinayaa in ay ka soo qayb-galaan shirka caadiga ah oo lagu qaban doono Saldhigga Warshadda Marmarka iwm. ee Muqdisho, maalinta bishu tahay 30.4.1981 saacadduna tahay 4.30 galabnimo, hadduu shirka dhammaan waayana mar labaadka maalinta bishu tahay 15.5.81 isla saacadda kor ku qoran.

Shirkaa asaga ah wax aalooga hadli doonaa arrimaha hoos ku yaalla:

1. Miisaaniyadda Sannadka 1980ka
2. Arrimo la xiriira Raasumaalka Shirkadda.

Muqdisho 13.3.81

MAAMULAHA IDMAN

Dr. Cabdullaahi M. Cabdulle

L. 390/bis

MAXKAMADDA GOBOLKA HARGEYSA

DEKREETO LAMB. 8/80

Cabdi Cawad Cali wuxuu yimid Maxkamadda asaga oo ah qofka haystay Jeegagga war. Lambarradoodu kala yihin (1) 240142 ay ku taallo Shs. 40.000/= (2) Lam. 243333 oo ay ku taal lacag dhan Shs. 30.000/= iyo (3) Lr. 243235 oo ay ku taal Shs. 26.200/= Jeegaggaas oo dhan waxay ku qoran yihin magaca Cabdi Cawad Cali wuxuuna keenay Maxkamadda warqadda lamb. yahay 1395 taariikh 7 Seb. 1980 oo ka soo baxday Xafiiska Maamulaha Bankiga Ganacsiga iyo Amaahda Hargeysa.

■ Wuxaan halkaan ku bixinayaan Amarkan aniga oo Cuskanaya Qod. 27 Xeerka Lamb. yahay 2 ee 9 Sebt. 1965 in Jeegagga War. ee kor ku xusan la tirtiro.

Waxaana Amrayaa:

- a) In lagu qoro Faafinta Rasmiga ah ee Dawlada.
- b) Lacagta ku taalay saddexda Jeeg ee kor ku xusan Bankigu u celiyo Cabdi Cawad Cali 30 Ca-sho gudahooda marka lagu soo saaro Faafinta

■ Rasmiga ah ee Dawladda.

Hargeysa, 7.9.1980

GUDDOONIYAH MAXKAMADDA G.W.G. HARGEY.

(Ibraahim Faarax Maxamed)

MAXKAMADDA G. SH/HOOSE MARKA
UJEEDDO: DEKREETO DI AMORTAMENT

Gar/ha Max/da G. Sh/Hoose Dr.Axmed Sh. Cali Nuur
HADDUU ARKAY : Weydiiska taariikh 19.4.81 iyo
Dhuuxa Dacwadaas;

HADDUU ARKAY : Waxay ku saabsan tahay iyo
ogeysiiska Bankiga Lamb. 001089;

HADDUU ARKAY : Qod. 69 D.L. 9.9.65 N.2, Lumidda
Buugga Keydka Lambar yahay 2340 kuna qoran ta-
hay Khadiija Cilmi Liibaan Sh.So. 1.300/= Banki-
ga Ganacsiga iyo Keydka Laanta Afgooye.

WUXUU AMRAYAA

In loo cusbooneysiyo Buugga Keydka ka dib mar-
kii ay ka soo wareegto 15 maalmood maalinta Dekreeta-
da lagu sharciyo Faafinta Rasmiga ah ee Dawladda.

WAXAA LA CODSANAYAA

In Buugga cusub ee la sameyn doono gacanta la-
ga saaro Jaalle Khadiija Cilmi Liibaan Soomaali ah
deggan Degmada Afgooye ama qof ka sita Wakaalo
Sharci ah ayadoo la sugayo muddada 15ka maalmood
ah ee aan ku soo sheegnay kor.

Marka, 19.4.1981

GARSOORAH MAXKAMADDA G. SH/HOOSE

Dr. Axmed Sheekh Cali Nuur

L. 400/bis

— MAXKAMADDA GOBOLKA BANAADIR —

HADDUU ARKAY: Dacwadda kor ku qoran:

HADDUU HUBIYEY: In Buug Keyd dhumay oo Lambarkiisu ahaa 19.760, Lagana soo saaray Bangiga Ganacsiga iyo Keydka Soomaaliyeed, Laanta Xarunta kuna qornayd Lacag dhan Sh. So. 4000/= uu iska lahaa Maxamuud Xareed Ciise Sida ku cad warqadda Lamb. 0633 Taariikh 31.3.81 oo Bangiga Ganacsiga iyo Keydka Soomaaliyeed Laanta Xarunta:

HADDUU ARKAY: Qod. 69 Sharciga Lamb. 2.9.9.65,

— WUXUU XEERIYEY —

In la baabi'yo (Ammortamento) Buug Keyd Lam. 19.760, oo ku qoran Magaca Maxamuud Xareed Ciise ayna ku jirto Sh. So. 4000/=

— WUXUU FASAXAY —

In Bangiga Ganacsiga iyo Keydka Laanta Xarunta u beddeelo Maxamuud Xareed Ciise Buug Keyd ee kor ku tilmaaman una sameeyo mid la mid ah ka dib markay ka soo wareegato muddo aan ka yareyn 30. maalmood maalinta Go'aanka lagu daabaco Faafinta Rasmiga ah ee Jamhuuriyadda Dimoqraadiga Soomaaliyeed, haddii inta ka horeysa aan wax ishortaag ah laga keenin.

MUQDISHO, 2.4.81

— GUDDOOMIYAH A MA/DA GO. BANAADIR —

W. S. Dr. Cabdullaahi Maxamed Maax —

L. 317/bis

— MAXKAMADDA GOBOLKA BANAADIR —

HADDUU ARKAY: Dacwadda kor ku qoran:

HADDUU HUBIYEY: In Buug Keyd dhumay oo Lambarkisu ahay 18155, Lagana soo saaray Bangiga Ganacsiga iyo Keydka Soomaaliyeed, Laanta Xarunta kuna qornayd Lacag dhan Sh. So. 2703/= uu iska lahaa Ruqiya Maxamed Cali sida ku cad warqadda Lamb. 0626 Taariikh 31.3.81 ee Bangiga Ganacsiga iyo Keydka Soomaaliyeed Laanta Xarunta:

HADDUU ARKAY: Qod. 69 Sharciga Lamb. 2.9.9.65.

— WUXUU XEERIYEY —

In la baabi'yo (Ammortamento) Buug Keyd Lam. 18,155/= co ku qoran Magaca Ruqiya Maxamed Cali ayna ku jirto Sh. So. 2703/=

— WUXUU FASAXAY —

In Bangiga Ganacsiga iyo Keydka Laanta Xarunta u bedelo Ruqiya Maxamed Cali Buug Keyd ee kor ku tilmaaman una sameeyo mid la mid ah ka dib markay ka soo wareegato muddo aan ka yareyn 30. maalmood maalinta Go'aanka lagu daabaco Faafinta Rasmiga ah ee Jamhuuriyadda Dimoqraadiga Soomaaliyeed, haddii inta ka horeysa aan wax ishortaag ah laga keenin.

MUQDISHO,4.4.81

— GUDDOOMIYAHMA/DA GO. BANAADIR —

W. S. Dr. Cabdullaahi Maxamed Maax —

Lr. 318

— MAXKAMADDA GOBOLKA BANAADIR —

HADDUU ARKAY: Dacwadda kor ku qoran:

HADDUU HUBIYEY: In Buug Keyd dhumay oo Lambarkisu ahaa 15974 Lagana soo saaray Bangiga Ganacsiga iyo Keydka Soomaaliyeed, Laanta 1aad kuna qornayd Lacag dhan Sh. So. 7000/= uu iska lahaa Aadan Jaamac Ibraahim sida ku cad warqadda Lamb. Taariikh 5.4.81 ee Bangiga Ganacsiga iyo Keydka Soomaaliyeed Laanta Xarunta:

HADDUU ARKAY: Qod. 69 Sharciga Lamb. 2.9.9.65,

— WUXUU XEERIYEY —

In la baabi'yo (Ammortamento) Buug Keyd Lam. 15974 oo ku qoran magaca Aadan Jaamac Ibraahim ayna ku jirto Sh. So. 7000/=

— WUXUU FASAXAY —

In Bangiga Ganacsiga iyo Keydka Laanta Xarunta u bedelo Aadan Jaamac Ibraahim Buug Keydka ee kor ku tilmaaman una sameeyo mid la mid ah ka dib markay ka soo wareegato muddo aan ka yareyn 30. maalmood maalinta Go'aanka lagu daabaco Faafinta Rasmiga ah ee Jamhuuriyaada Dimeqraadiga Soomaaliyeed, haddii inta ka horeysa aan wax ishortaag ah laga keenin.

MUQDISHO, 5.4.81

— GUDDOOMIYAHMA/DA GO. BANAADIR —

W. S. Dr. Cabdullaahi Maxamed Maax —

L. 318/bis